



## Communicaziun a las medias

### Cuntrasts: «Anselmo Gadola e ses craps»

Cuirà, ils 21-06-2018 – **Anselmo Gadola da Balamburg/Bärenburg è persvas d'avair chattà in urden en ils segns misterius furads e gravads en craps e gripa: en ils craps-scalutta. Questas rusnas ed ils segns sajan vegnids ordinads dals umans d'antruras tenor mesiras definidas. Ina teoria ch'arceologs professionals mettan en dumonda. Radiotelevision Svizra Rumantscha (RTR) mussa en l'emissiun «Cuntrasts» dals 24 da zercladur 2018 a las 17:25 sin SRF 1 il cumbat d'Anselmo Gadola per reconuschienscha.**

Anselmo Gadola ha ina teoria: Las rusnas en ils craps-scalutta èn vegnidas furadas e gravadas tenor mesiras neolitichas e cun in sistem definì. Per cumprovar sia teoria viagia l'arceolog laic cun lingera e crida, cun notizias ed apparats da fotografar tras l'entira Europa: en Val Schons, en Val Camonica u en l'Austria. El perscrutescha, publitgescha, maina in agen museum, fa guidas e referescha davart l'idea che las rusnas en las scaluttas sajan vegnidas integradas cun in sistem spezial e tras ils umans preistorics. Il film «Anselmo e ses craps» da Casper Nicca (RTR) mussa ils 24 da zercladur 2018 a las 17:25 sin SRF 1 sco ch'in perscrutader laic cumbatta da vegnir udì e reconuschì.

#### **Television Rumantscha: Cuntrasts «Anselmo Gadola e ses craps»**

dumengia, ils 24-06-2018, 17:25 sin SRF 1 (cun suttitels tudestgs) ubain sin [rtr.ch/play](http://rtr.ch/play).

#### Repetiziuns

mesemna,      ils 27-06-2018, 08:30, 09:30, 12:45 sin SRF info

gievgia,        ils 28-06-2018, 11:00 sin SRF info

sonda,         ils 30-06-2018, 17:15 sin SRF 1

#### **Dapli infurmaziuns**

Radiotelevision Svizra Rumantscha, Via da Masans 2, 7000 Cuirà  
Diana Jörg, referendaria communicaziun e marketing, tel. 081 255 76 29, [diana.joerg@rtr.ch](mailto:diana.joerg@rtr.ch)

Fotos: RTR